


लईका मन बर बाईबिल  
प्रस्तुत करत हवे।

मइनसे के दुख के  
शुरूवात।



लिखे गए हवे। : Edward Hughes

उत्साह बढ़ाए गए हवे। : Byron Unger; Lazarus

चयन करे गए हवे। : M. Maillot; Tammy S.

अनुवाद करे गए हवे। : मधुलिका महतो

बनाए गए हवे। : Bible for Children  
[www.M1914.org](http://www.M1914.org)

©2013 Bible for Children, Inc.

लाइसेंस : आप मन करा इ कथा ल छापे बर अऊ नकल करे के अधिकार  
तभे तक हे जब तक आप मन एला बेचिहा नाही।



भगवान हर चीज ला बनाइस जभे भगवान हर  
पहेला मइनसे बनाइस त आदम हर अदन के  
वाटिका मा रहत रहिस अपन पत्नी हवा के संग  
मा । ओमन बड़ खुश रहिन अऊ भगवान के  
आज्ञा ला मानत रहिन ।

एक दिन ...





“का तुमन ला भगवान  
हर सब रूख के फर ला  
खाए बर मना करिस हावे”  
अजगर हर हवा ले पूछिस।  
ओहर उत्तर दिस हमन हर एक  
फल ला खा सकत हन लेकिन  
एक फल ला नई । अगर  
हमान ओ फल ला खाबो त  
मर जाबो। तुमन नी मरा,  
अजगर हर फुसफुसाईस।





तुमन भगवान कस  
बन जाइहा । हवा  
ला ओ रूख के  
फल चाहि रहिस ।  
ओहर अजगर के  
गोंठ ला सुनिस  
अऊ ओ रूख के  
फल ला खा  
दारिस ।



जब हवा हर भगवान के आज्ञा ला  
तोड़िस त ओहर आदम ला भी वो फल  
खाए बर दिस। आदम हर कहे सकत  
रहिस नाही। मेहर भगवान के आज्ञा  
ला नई तोड़व।





जभे आदम अऊ

हवा मन पाप कर दारिन तभै ओमन जान

दारिन कि ओमन नंगरा हावे। पत्ता मन ला सिल के

ओमन ओखर बस्त्र बनाईन। ओमन आपन ला ढाकिन अऊ

भगवान ले बचे बर अपन अपन ला झाड़ी म छिपाईन।



सांझ के ठंडा- ठंडा बेरा म भगवान  
हर वाटिका मा आइस । ओहर जान  
दारिस कि आदम अऊ हवा हर एला  
करिन हे । हवा हर अजगर ला दोषी  
बताईस । भगवान हर अजगर ला  
कहिस- अजगर तेहर शापित हो गेहे ।  
जभे स्त्री के लइका जनमही तभे ओला  
अबड़ पीड़ा होही ।




आदम ते हर पाप करे हस। धरती हर  
खरखरा पथरा अऊ पहाड़ ले शापित  
होही। ते हर तरसबे अऊ पसीना बहाबे  
अपन रोजी— रोजी बर।



भगवान हर आदम अऊ हवा  
ला अदन के वाटिका ले बाहर  
निकाल दिस। काबर कि ओमन  
पाप करे रहिन। ओमन  
जीवनदाता भगवान  
से अलग  
हो गिन।





भगवान हर एक आगि जले वाला  
तलवार बनाईस । ओला बाहिर रखे बर  
भगवान हर चमड़ा के कोट बनाईस,  
आदम अऊ हवा बर ।

भगवान हर इ  
चमड़ा कहा ले  
निकालिस ?


कछु दिन बाद आदम अऊ हवा के परवार में लइका जनमिस।  
ओखर पहला बेटा कैन एक गो माली रहीस। ओखर दूसरा बेटा  
हाबिल एक चरवाहा रहिस।



एक दिन केन हर हरा साग भगवान बर भेंट लानिस । हाबिल हर  
एक दिन बढिया भेड़ी ला भेंट के रूप म भगवान बर लानिस ।  
भगवान हर हाबिल के भेंट ले बड़ खुश होइस ।



भगवानहर केन के भेंट ले प्रशन्न नीं  
होइस, कैन हर अबड़ जोर ले जंगा  
गिस। लेकिन भगवान हर कहिस—  
अगर ते हर ओ ला कर जो सही हे  
त तेहर का स्वीकारे नी जाबे।




केन के गुस्सा हर दूर नी होए  
रहिस। कुछु देर के बाद खेत मा  
हाबिल के उपर ओहर हमला कर  
दिस अऊ ओला मार डारिस।




भगवान हर केन ला कहिस— तोर भाई  
हाबिल हर कहां हे। में नई जानो केन हर  
झूठ बोलिस। का मैं हर अपन भाई के  
रखवाला हो। भगवान हर केन ला सजा  
दिस, ओखर खेती करे के ताकत ला छिन  
लिस। अऊ ओला भगोड़ा बना दिस।



कैन हर भगवान के छत्रछाया ले बाहिर हो  
गिस। ओकर बिहा आदम हवा के बेटी ले  
होईस। ओमन एक परिवार बनाईन।



झट के केन के नाती— पोता अऊ  
ओखर बच्चा मन शहर में भर गिन।  
जेन ला ओहर खोजे रहिस।



संगे संग आदम अऊ हवा के परिवार मन झट  
के बाढ़ गिन। ओ समय में आज के तुलना में  
मइनसे मन ज्यादा दिन तक जियत रहिन।



फेर ओखर लईका सेत पैदा होईस, हवा हर कहिस  
भगवान हर मोला हाबिल के बदला में सेत ला  
दिस। सेत एक पवित्र मइनसे रहिस। जेहर 912  
बछर तक जिइस। अऊ ओखर बड़ लइका रहिन।



संसार म मइनसे मन बड़ कमजोर होत  
जाथे । काबर कि एक पीढ़ी हर दूसर  
पीढ़ी के दिशा म चलत रहिन । एखरे  
बर भगवान हर मानव जाति के  
नास करे बर फैसला  
लिस । अऊ ...



... सबो जीव जंतु ला भी। भगवान हर  
मन मा पछतावत रहिस कि काबर ओहर  
मइनसे मन ला बनाइस। फेर एक  
मइनसे हर भगवान के दिल  
ला जीत लिस।



एहर मइनसे नूह रहिस। सेत के पीढी म  
नूह हर सच्चा अऊ निर्दोष मइनसे रहिस।  
ओहर भगवान के संग चलिस।



ओहर अपन तीनों लइका मन ला भी  
भगवान के बात माने बर सिखाईस। अब  
भगवान हर नूह ला एक अलग अऊ  
अद्भूत रूप म इस्तेमाल करे के  
निश्चय करिस।



मइनसे के दुख के शुरूवात ।

इ कथा हर भगवान के बचन के द्वारा एक ठी बाईबिल

पाए जाथे ।

उत्पत्ति ३-६

"आप मन कर बानी हर एला अंजोर देथे ।"

भजन संहिता ११९ : १३०



समाप्त ।



बाइबल के कहानी हा हमन ला हमर महान भगवान के बारे में बता थे। जेनहा हमन के रचना करे हावे अऊ जिनह ये चाहथे कि हामन ओला जानन।

भगवान ला पता है कि हामन गलत काम करे हन जेन ला ओहर पाप कहिथे। पाप करे के सजा मौत हावे, पर भगवान हा हमन ले बहुत प्यार करथे कि ओहर अपन अकेल्ला बेटा ईशु मसीह ला क्रूश में मरे बर अऊ हमर पाप के सजा पाए बर भेजीस। ओखर बाद इशु मसीह के फेर से जनम होथे अऊ ओहर घर ले स्वर्ग मा चल देथे। अगर तुमन ईशु मसीह मा भरोसा करथव अऊ अपन पाप बर माफी मांगथव ता ओहर जरूर माफ कर दीही। वो हर जरूर आही अऊ तुमन के भीतरी मा अभी रहिही, अऊ तुमन ओखर संग मा हमेशा बर रहिया।

अगर तुमन विश्वास करथव कि इही हर स चहे, त भगवान ले येला कहव प्रिय ईशु, मैं विश्वास करथव कि अप मन भगवान हव अऊ मोर पाप के सेतर मरे बर मनुष्य बनेव अऊ आप हर फेर से जिवित हव। दया करके मोर जिंदगी में आवव अऊ मोर पाप ला क्षमा करव, ताकि मैं हा नवा जीवन ला पा सकंव अऊ एक दिन हमेशा बर आप मन के संग जा सकंव। मोला मदद करव ताकि मैं आप मन के हर आज्ञा के पालन कर सकंव अऊ आप मन के बेटा बन के आप मन बर जिये सकंव। आमीन।

बाइबल ला पढ़व अऊ भगवान से रोज बात करव !

